

故宮
珍本
叢刊

運

氣

·

藥

性

分

類

等四種



故宮博物院編

海南出版社

故宮珍本叢刊第 381 冊中醫中藥

故宮博物院編

運氣 藥性分類

衛生彙錄

勉學堂針灸集成

海南出版社

圖書在版編目(CIP)數據

增廣太平惠民和劑局方/(宋)陳師友編. —影印本. —海口:海南出版社,2000.10
(故宮珍本叢刊)

本書與“增廣太平和劑圖經本草藥性總論”等 55 種書合訂

ISBN 7-80645-740-2

I. 增… II. 陳… III. 方書-中國-宋代 IV. Z121.7

中國版本圖書館 CIP 數據核字(1999)第 68750 號

故宮珍本叢刊第 381 冊

中醫中藥

運氣 藥性分類 衛生彙錄 勉學堂針灸集成

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:25.5 印數:1-400 冊

ISBN 7-80645-740-2/Z·18

定價:3000 元(中醫中藥 56 種共 18 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

運氣上

黃帝問曰余聞天以六六之節以成一歲人以九九制會計人亦有三百六十五節以為天地久矣不知其所謂也 岐伯對曰昭乎哉問也請遂言之夫六六之節九九制會者所以正天之度氣之數也 天度者所以制日月之行也氣數者所以紀化生之用也 天為陽地為陰

運氣

一

州九竅皆通乎天氣 故其生五其氣三 三而成天三而成地三而成人 三而三之合則為九九分為九野九野為九藏 故形藏四神藏五合為九藏以應之也 帝曰余已聞六六九九之會也夫子言積氣盈閏願聞何謂氣請夫子發蒙解惑焉 岐伯曰此上帝所秘先師傳之也 帝曰請遂聞之岐伯曰五日謂之候三候謂之氣 六氣謂之時 四時謂之歲而各從其主治焉 五運相襲而皆治之終暮之日周而復始時立氣布如環無端候亦同法故曰不知年之所加氣之盛衰虛實之所起不可以為工矣 帝曰五運之始如環無端其太過不及何如岐伯曰五氣更立各有所勝盛虛之變此其常也 帝曰平氣何如岐伯曰無過者也 帝曰太過不及奈何岐伯曰在經有也 帝曰何謂所

運氣

二

運氣

三

勝岐伯曰春勝長夏長夏勝冬冬勝夏夏勝秋秋勝春所謂得五行時之勝各以氣命其藏
帝曰何以知其勝岐伯曰求其至也皆歸始春
未至而至此謂太過則薄所不勝而乘所勝
也命曰氣淫 至而不至此謂不及則所勝妄
行而所生受病所不勝薄之也命曰氣迫所謂
求其至者氣至之時也 謹候其時氣可與期
失時反候五治不分邪僻内生工不能禁也

帝曰有不襲乎 岐伯曰蒼天之氣不得無常
也氣之不襲是謂非常非常則變矣 帝曰非
常而變奈何岐伯曰變至則病所勝則微所不
勝則甚因而重感於邪則死矣 故非其時則
微當其時則甚也

黃帝問曰天有五行御五位以生寒暑燥濕風
人有五藏化五氣以生喜怒思憂恐 論言五
運相襲而皆治之終朞之日周而復始余已知

運氣

四

之矣願聞其與三陰三陽之候奈何合之 鬼
史區稽首再拜對曰昭乎哉問也夫五運陰陽
者天地之道也萬物之綱紀變化之父母生殺
之本始神明之府也可不通乎 故物生謂之
化 物極謂之變 陰陽不測謂之神 神用
無方謂之聖 夫變化之為用也 在天為玄
在人為道 在地為化 化生五味 道生
智 玄生神 神在天為風在地為木 在天
為熱在地為火 在天為濕在地為土 在天
為燥在地為金 在天為寒在地為水 故在
天為氣在地成形 形氣相感而化生萬物矣
然天地者萬物之上下也 左右者陰陽之
道路也 水火者陰陽之徵兆也 金木者生
成之終始也 氣有多少形有盛衰上下相召
而損益彰矣 帝曰願聞五運之主時也何如
鬼史區曰五氣運行各終朞日非獨主時也

帝曰請聞其所謂也鬼史區曰臣稽考太始

天元冊文曰太虛廖廓肇基化元萬物資始

五運終天布氣真靈總統坤元九星懸朗

七曜周旋曰陰曰陽曰柔曰剛幽顯既

位寒暑弛張生生化化品物咸章臣斯十

世此之謂也帝曰善何謂氣有多少形有盛

衰鬼史區曰陰陽之氣各有多少故曰三陰三

陽也形有盛衰謂五行之治各有太過不及也

運氣

五

故其始也有餘而往不足隨之不足而往有

餘從之知迎知隨氣可與期應天為天符

承歲為歲直三合為治帝曰上下相召奈何

鬼史區曰寒暑燥濕風火天之陰陽也三陰

三陽上奉之木火土金水火地之陰陽也生

長化收藏下應之天以陽生陰長地以陽殺

陰藏天有陰陽地亦有陰陽故陽中有陰陰

中有陽所以欲知天地之陰陽者應天之氣

動而不息故五歲而右遷應地之氣靜而守位

故六朞而環會動靜相召上下相臨陰陽相

錯而變由生也帝曰上下周紀其有數乎鬼

史區曰天以六為節地以五為制周天氣者

六朞為一備終地紀者五歲為一周君火以

明相火以位五六相合而七百二十氣為一

紀凡三十歲千四百四十氣凡六十歲而為一

周不及太過斯皆見矣帝曰夫子之言上終

運氣

六

天氣下畢地紀可謂悉矣余願聞而藏之上以

治民下以治身使百姓昭著上下和親德澤下

流子孫無憂傳之後世無有終時可得聞乎

鬼史區曰至數之機迫近以微其來可見其往

可追敬之者昌慢之者亡無道行私必得天殃

謹奉天道請言真要帝曰善言始者必會

於終善言近者必知其遠是則至數極而道

不惑所謂明矣願夫子推而次之令有條理簡

運氣

七

而不匱久而不絕易用難忘為之網紀至數之要願盡聞之 鬼史區曰昭乎哉問明乎哉道如鼓之應桴響之應聲也 臣聞之甲巳之歲土運統之乙庚之歲金運統之丙辛之歲水運統之丁壬之歲木運統之戊癸之歲火運統之帝曰其於三陰三陽合之奈何鬼史區曰子午之歲上見少陰丑未之歲上見太陰寅申之歲上見少陽卯酉之歲上見陽明辰戌之歲上見太陰巳亥之歲上見厥陰 少陰所謂標也厥陰所謂終也 厥陰之上風氣主之少陰之上熱氣主之太陰之上濕氣主之少陽之上相火主之陽明之上燥氣主之太陽之上寒氣主之所謂本也是謂六元 帝曰光乎哉道明乎哉論請著之玉版藏之金匱署曰天元紀 黃帝坐明堂始正天綱臨觀八極考建五常請天師而問之曰論言天地之動靜神明為之

運氣

八

紀陰陽之升降寒暑彰其兆 余聞五運之數於夫子夫子之所言正五氣之各主歲耳首甲寅運余因論之鬼史區曰土主甲巳金主乙庚水主丙辛木主丁壬火主戊癸 子午之上少陰主之丑未之上太陰主之寅申之上少陽主之卯酉之上陽明主之辰戌之上太陽主之巳亥之上厥陰主之不合陰陽其故何也 岐伯曰是明道也此天地之陰陽也 夫數之可數者人中之陰陽也然所合數之可得者也夫陰陽者數之可十推之可百數之可千推之可萬天地陰陽者不以數推以象之謂也 帝曰願聞其所始也岐伯曰昭乎哉問也臣覽太始天元冊文丹天之氣經於牛女戌分齡天之氣經於心尾巳分蒼天之氣經於危室柳鬼素天之氣經於亢氏昂畢玄天之氣經於張翼婁胃所謂戊巳分者奎壁角軫則天地之門戶也

夫候之所始道之所生不可不通也 帝曰善

論言天地者萬物之上下左右者陰陽之道路

未知其所謂也 岐伯曰所謂上下者歲上下

見陰陽之所在也 左右者諸上見厥陰左少

陰右太陽見少陰左太陰右厥陰見太陰左少

陽右少陰見少陽左陽明右太陰見陽明左太

陽右少陽見太陽左厥陰右陽明所謂面北而

命其位言其見也 帝曰何謂下岐伯曰厥陰

運氣

九

在上則少陽在下左陽明右太陰少陰在上則

陽明在下左太陽右少陽太陰在上則太陽在

下左厥陰右陽明少陽在上則厥陰在下左少

陰右太陽陽明在上則少陰在下左太陰右厥

陰太陽在上則太陰在下左少陽右少陰所謂

面南而命其位言其見也 上下相遘寒暑相

臨氣相得則和不相得則病 帝曰氣相得而

病者何也岐伯曰以下臨上不當位也 帝曰

動靜何如 岐伯曰上者右行下者左行左右

周天餘而復會也 帝曰余聞鬼史區曰應地

者靜今夫子乃言下者左行不知其所謂也願

聞何以生之乎 岐伯曰天地動靜五行遷復

雖鬼史區其上候而已猶不能徧明 夫變化

之用天垂象地成形七曜緯虛五行麗地地者

所以載生成之形類也虛者所以列應天之精

氣也形精之動猶根本之與枝葉也仰觀其象

運氣

十

雖遠可知也 帝曰地之為下否乎 岐伯曰

地為人之下太虛之中者也 帝曰馮乎 岐

伯曰大氣舉之也 燥以乾之暑以蒸之風以

動之濕以潤之寒以堅之火以溫之 故風寒

在下燥熱在上濕氣在中火遊行其間寒暑六

八故令虛而化生也 故燥勝則地乾暑勝則

地熱風勝則地動濕勝則地泥寒勝則地裂火

勝則地固矣

運氣

十一

帝曰天地之氣何以候之岐伯曰天地之氣勝復之作不形於診也脉法曰天地之變無以脉診此之謂也帝曰問氣何如岐伯曰隨氣所在期於左右帝曰期之奈何岐伯曰從其氣則和違其氣則病不當其位者病迭移其位者病失守其位者危尺寸反者死陰陽交者死先立其年以知其氣左右應見然後乃可以言死生之逆順帝曰夫子言察陰陽所在而調之論言人迎與寸口相應若引繩小大齊等命曰平陰之所在寸口何如岐伯曰視歲南北可知之矣帝曰願卒聞之岐伯曰北政之歲少陰在泉則寸口不應厥陰在泉則右不應太陰在泉則左不應南政之歲少陰司天則寸口不應厥陰司天則右不應太陰司天則左不應諸不應者反其診則見矣帝曰尺候何如岐伯曰北政

運氣

十二

之歲三陰在下則寸不應三陰在上則尺不應南政之歲三陰在天則寸不應三陰在泉則尺不應左右同故曰知其要者一言而終不知其要流散無窮此之謂也黃帝問曰嗚呼遠哉天之道也如迎浮雲若視深淵視深淵尚可測迎浮雲莫知其極夫子數言謹奉天道余聞而藏之心私異之不知其所謂也願夫子溢志盡言其事令終不減久而不絕天之道可得聞乎岐伯稽首再拜對曰明乎哉問天之道也此因天之序盛衰之時也帝曰願聞天道六六之節盛衰何也岐伯曰上下有位左右有紀故少陽之右陽明治之陽明之右太陽治之太陽之右厥陰治之厥陰之右少陰治之少陰之右太陰治之太陰之右少陽治之此所謂氣之標盡而而待之也故曰因天之序盛衰之時移光定位正立而待

之此之謂也 少陽之上火氣治之中見厥陰

陽明之上燥氣治之中見太陰 太陽之上

寒氣治之中見少陰 厥陰之上風氣治之中

見少陽 少陰之上熱氣治之中見太陽 太

陰之上濕氣治之中見陽明 所謂本也本之

下中之見也見之下氣之標也 本標不同氣

應異象 帝曰其有至而至有至而不至有至

而太過何也 岐伯曰至而至者和至而不至

運氣

十三

來氣不及也未至而至來氣有餘也 帝曰至

而不至未至而至何如岐伯曰應則順否則逆

逆則變生變生則病 帝曰善請言其應岐伯

曰物生其應也氣脉其應也 帝曰善願聞地

理之應六節氣位何如 岐伯曰顯明之右君

火之位也 君火之右退行一步相火治之

復行一步土氣治之 復行一步金氣治之

復行一步水氣治之 復行一步木氣治之

復行一步君火治之 相火之下水氣承之水

位之下土氣承之土位之下風氣承之風位之

下金氣承之金位之下火氣承之君火之下陰

精承之 帝曰何也岐伯曰亢則害承廼制

制生則化外裂盛衰 害則敗亂生化大病

帝曰盛衰何如 岐伯曰非其位則邪當其位

則正邪則變甚正則微 帝曰何謂當位岐伯

曰水運臨卯 火運臨午 土運臨四季 金

運氣

十四

運臨酉 水運臨子 所謂歲會氣之平也

帝曰非位何如岐伯曰歲不與會也 帝曰土

運之歲上見太陰 火運之歲上見少陽少陰

金運之歲上見陽明 木運之歲上見厥陰

水運之歲上見太陽奈何 岐伯曰天之與會

也故天元冊曰天符 天符歲會何如 岐伯

曰太一天符之會也 帝曰其貴賤何如岐伯

曰天符為執法歲位為行令太一天符為貴人

帝曰邪之中也奈何岐伯曰中執法者其病速而危中行令者其病徐而持中貴人者其病暴而死帝曰位之易也何如岐伯曰君位臣則順臣位君則逆逆則其病近其害速順則其病遠其害微所謂二火也帝曰五運行同天化者命曰天符余知之矣願聞同地化者何謂也岐伯曰太過而同天化者三不及而同天化者亦三太過而同地化者三不及而同

運氣

十五

地化者亦三此凡二十四歲也帝曰願聞其所謂也岐伯曰甲辰甲戌太宮下加太陰壬寅壬申太角下加厥陰庚子庚午太商下加陽明如是者三癸巳癸亥少徵下加少陽辛丑辛未少羽下加太陽癸卯癸酉少徵下加少陰如是者三戊子戊午太徵上臨少陰戊寅戊申太徵上臨少陽丙辰丙戌太羽上臨太陽如是者三丁巳丁亥少角上臨厥陰乙卯乙酉少

商上臨陽明己丑己未少宮上臨太陰如是者三除此二十四歲則不加不臨也帝曰加者何謂岐伯曰太過而加同天符不及而加同歲會也帝曰臨者何謂岐伯曰太過不及皆曰天符而變行有多少病形有微甚生死有蚤晏耳

運氣

十六

帝曰願聞其步何如岐伯曰所謂步者六十度而有奇故二十四步積盈百刻而成日也帝曰六氣應五行之變何也岐伯曰位有終始氣有初中上下不同求之亦異也帝曰求之奈何岐伯曰天氣始於甲地氣始於子子甲相合命曰歲立謹候其時氣可與期帝曰願聞其歲六氣始終蚤晏何如岐伯曰明乎哉問也甲子之歲初之氣天數始於水下一刻終於八十七刻半二之氣始於八十七刻六分終於七十五刻三之氣始於七十六刻終於六十

運氣

十七

二刻半 四之氣始於六十二刻六分終於五十刻 五之氣始於五十一刻終於三十七刻半 六之氣始於三十七刻六分終於二十五刻 所謂初六天之數也 乙丑歲初之氣天數始於二十六刻終於一十二刻半 二之氣始於一十二刻六分終於水下百刻 三之氣始於一十二刻六分終於八十七刻半 四之氣始於八十七刻半 五之氣始於七十五刻 六之氣始於六十二刻半 六之氣始於六十二刻六分終於五十刻 所謂六二天之數也 丙寅歲初之氣天數始於五十一刻終於三十七刻半 二之氣始於三十七刻六分終於二十五刻 三之氣始於二十五刻六分終於一十二刻半 四之氣始於一十二刻六分終於水下百刻 五之氣始於一十二刻六分終於八十七刻半 六之氣始於八十七刻六分終於七十五刻

運氣

十八

所謂六三天之數也 丁卯歲初之氣天數始於七十六刻終於六十二刻半 二之氣始於六十二刻六分終於五十刻 三之氣始於五十刻六分終於三十七刻半 四之氣始於三十七刻六分終於二十五刻 五之氣始於二十五刻六分終於一十二刻半 六之氣始於一十二刻六分終於水下百刻 所謂六四天之數也 次戊辰歲初之氣復始於一刻常如是無已 周而復始 帝曰願聞其歲候何如岐伯曰悉乎哉問也日行一周天氣始於一刻 日行再周天氣始於二十六刻 日行三周天氣始於五十一刻 日行四周天氣始於七十六刻 日行五周天氣復始於一刻 所謂一紀也 是故寅午戌歲氣會同卯未亥歲氣會同辰申子歲氣會同巳酉丑歲氣會同終而復始 帝曰願聞其用也 岐伯曰言天者求之本言

地者求之位言人者求之氣交 帝曰何謂氣

交岐伯曰上下之位氣交之中人之居也 故

曰天樞之上天氣主之天樞之下地氣主之氣

交之分人氣從之萬物由之此之謂也 帝曰

何謂初中 岐伯曰初凡三十度而有奇中氣

同法 帝曰初中何如岐伯曰所以分天地也

帝曰願卒聞之岐伯曰初者地氣也中者天氣

也帝曰其升降何如岐伯曰氣之升降天地之

運氣

十九

更用也 帝曰願聞其用何如岐伯曰升已而

降降者謂天降已而升升者謂地 天氣下降

氣流於地地氣上升氣騰於天故高下相召升

降相因而變作矣 帝曰善寒濕相遭燥熱相

臨風火相值其有間乎 岐伯曰氣有勝復勝

復之作有德有化有用有變變則邪氣居之

帝曰何謂邪乎 岐伯曰夫物之生從於化物

之極由乎變變化之相薄成敗之所由也 故

氣有往復用有遲速四者之有而化而變風之

來也 帝曰速遲往復風所由生而化而變故

因盛衰之變耳成敗倚伏遊乎中何也 岐伯

曰成敗倚伏生乎動動而不已則變作矣 帝

曰有期乎岐伯曰不生不化靜之期也 帝曰

不生化乎 岐伯曰出入廢則神機化滅升降

息則氣立孤危 故非出入則無以生長壯老

已非升降則無以生長化收藏 是以升降出

運氣

二十

入無器不有 故器者生化之宇器散則分之

生化息矣 故無不入無不升降化有大小

期有遠近 四者之有而貴常守 反常則災

害至矣故曰無形無患此之謂也 帝曰善有

不生不化乎 岐伯曰悉乎哉問也與道合同

惟真人也帝曰善

黃帝問曰五運更治上應天晷陰陽往復寒暑

迎隨真邪相薄內外分離六經波蕩五氣傾移

太過不及專勝兼并願言其始而有常名可得聞乎 岐伯稽首再拜對曰昭乎哉問也是明道也此上帝所貴先師傳之臣雖不敏往聞其旨 帝曰余聞得其人不教是謂失道傳非其人慢泄天寶余誠非德未足以受至道然而衆子哀其不終願夫子保於無窮流於無極余司其事則而行之奈何 岐伯曰請遂言之也上經曰夫道者上知天文下知地理中知人事可

運氣

主

以長久此之謂也 帝曰何謂也岐伯曰本氣位也位天者天文也位地者地理也通於人氣之變化者人事也 故太過者先天不及者後天所謂治化而人應之也 帝曰五運之化太過何如 岐伯曰歲水太過風氣流行脾土受邪 民病飧泄食減體重煩冤腸鳴腹支滿上應歲星 甚則忽忽善怒眩冒顛疾 化氣不政生氣獨治雲物飛動草木不寧甚而搖落

反脇痛而吐甚衝陽絕者死不治 上應太

白星 歲火太過炎暑流行金肺受邪 民病

瘧少氣咳喘血溢血泄注下噎燥耳聾中熱肩

背熱 上應熒惑星 甚則胸中痛脇支滿脇

痛膺背肩胛間痛兩臂內痛 身熱骨痛而為

浸淫 收氣不行長氣獨明雨水霜寒 上應

辰星 上臨少陰少陽火熯燭水泉涸物焦槁

病反譫妄狂越欬喘息鳴下甚血溢泄不已

運氣

主

太淵絕者死不治上應熒惑星 歲土太過雨

濕流行腎水受邪 民病腹痛清厥意不樂體

重煩冤 上應鎮星 甚則肌肉萎足痿不收

行善瘰癧下痛飲發中滿食減四支不舉 變

生得位 藏氣伏化氣獨治之泉涌河衍涸澤

生魚風雨大至土崩潰鱗見於陸 病腹滿澹

泄腸鳴反下甚而太谿絕者死不治 上應歲

星 歲金太過燥氣流行肝木受邪 民病兩

脇下少腹痛目赤痛背癢耳無所聞 肅殺而甚則體重煩冤胸痛引背兩脇滿且痛引少腹上應太白星 甚則喘欬逆氣肩背痛尻陰股膝髀腠腑足皆病 上應熒惑星 收氣峻生氣下草木斂蒼乾凋隕病反暴痛肱脇不可反側欬逆甚而血溢太衝絕者死不治上應太白星 歲水太過寒氣流行邪害心火 民病身熱煩心躁悸陰厥上下中寒譫妄心痛寒氣蚤運氣

壬子

至上應辰星 甚則腹大脰腫喘欬寢汗出憎風 大雨至埃霧騰鬱 上應鎮星 上臨太陽雨水雪霜不時降濕氣變物 病反腹滿腸鳴澹泄食不化渴而妄冒神門絕者死不治上應熒惑辰星 帝曰善其不及何如 岐伯曰悉乎哉問也歲木不及燥迺大行 生氣失應草木晚榮 肅殺而甚則剛木辟著柔萎蒼乾上應太白星 民病中清眩脇痛少腹痛腸

鳴澹泄涼雨時至上應太白星 其穀蒼上臨陽明生氣失政草木再榮化氣迺急上應太白鎮星其主蒼蚤 復則炎暑流火濕性燥柔脆草木焦槁下體再生華寔齊化病寒熱瘡瘍癘疹癰疽上應熒惑太白其穀白堅 白露蚤降收殺氣行寒雨害物蟲食甘黃脾土受邪赤氣後化心氣晚治上勝肺金白氣迺屈其穀不成欬而嗽上應熒惑太白星 歲火不及寒迺運氣

壬子

大行長政不用物榮而下凝慘而甚則陽氣不化迺折榮美上應辰星 民病胸中痛脇支滿兩脇痛膈背肩胛間及兩臂內痛鬱胃膠昧心痛暴痞胸腹大脇下與腰背相引而痛 甚則屈不能伸髀解如別上應熒惑辰星其穀丹復則埃鬱大雨且至黑氣迺辱病驚澹腹滿食飲不下寒中腸鳴泄注腹痛暴擊痿痺足不任身上應鎮星辰星玄穀不成 歲土不及風迺

運氣

二十五

大行化氣不令草木茂榮飄揚而甚秀而不寔
上應歲星 民病飧泄霍亂體重腹痛筋骨絲
復肌肉痠善怒藏氣舉事蟄虫蚤附咸病寒
中上應歲星鎮星其穀穀 復則收政嚴峻名
木蒼凋胸脇暴痛下引少腹善太息蟲食甘黃
氣客於脾穀廼減民食少失味蒼穀廼損上
應太白歲星 上臨厥陰流水不冰蟄蟲來見
藏氣不用白廼不復上應歲星民廼康 歲金
不及炎火廼行生氣廼用長氣專勝庶物以茂
燥燥以行上應熒惑星 民病肩背脅重軌噎
血便注下收氣廼後上應太白星其穀堅芒
復則寒雨暴至廼零冰雹霜雪殺物陰厥且格
陽反上行頭腦戶痛延及腦項發熱上應辰星
丹穀不成民病口瘡甚則心痛 歲水不及濕
廼大行長氣反用其化廼速暑雨數至上應鎮
星 民病腹滿身重濡泄寒瘍流水腰股痛發

運氣

二十六

胸脇股膝不便煩寃足痿清厥脚下痛甚則肘
腫藏氣不政腎氣不銜上應辰星其穀秬 上
臨太陰則大寒數舉蟄蟲蚤藏地積堅冰陽光
不治民病寒疾於下甚則腹滿浮腫上應鎮星
其主穀穀 復則大風暴發草偃木零生長不
鮮面色時變筋骨併辟肉瞶瞶目視眊眊物疎
豐肌肉胗發氣并鬲中痛於心腹黃氣廼損其
穀不登上應歲星 帝曰善願聞其時也 岐
伯曰悉乎哉問也木不及春有鳴條律暢之化
則秋有霧露清涼之政春有慘悽殘賊之勝則
夏有炎暑燄燥之復其肯東其藏肝其病內舍
肱脇外在關節 火不及夏有炳明光顯之化
則冬有嚴肅霜寒之政夏有慘淒凝冽之勝則
不時有埃昏大雨之復其肯南其藏心其病內
舍膺脇外在經絡 土不及四維有埃雲潤澤
之化則春有鳴條鼓折之政四維發振拉飄騰

之變則秋有肅殺霖霑之復其青四維其藏脾其病內舍心腹外在肌肉四支 金不及夏有光顯鬱蒸之令則冬有嚴凝整肅之應夏有炎燥燔燎之變則秋有冰雹霜雪之復其青西其藏肺其病內舍膈肩背外在皮毛 水不及四維有湍濶埃雲之化則不時有和風生發之應四維發埃昏驟注之變則不時有飄蕩振拉之復其青北其藏腎其病內舍腰脊骨髓外在

運氣

十一

谿谷踣膝 夫五運之政猶權衡也高者抑之下者舉之化者應之變者復之此生長化成收藏之理氣之常也失常則天地四塞矣 故曰天地之動靜神明為之紀陰陽之往復寒暑彰其兆此之謂也 帝曰夫子之言五氣之變四時之應可謂悉矣夫氣之動亂觸過而作發無常會卒然災合何以期之 岐伯曰夫氣之動變固不常在而德化政令災變不同其候也帝曰

運氣

十二

何謂也岐伯曰東方生風風生木其德敷和其化生榮其政舒啓其令風其變振發其災散落南方生熱熱生火其德彰顯其化蕃茂其政明曜其令熱其變銷燬其災燔炳 中央生濕濕生土其德溽蒸其化豐備其政安靜其令濕其變驟注其災霖潰 西方生燥燥生金其德清潔其化緊歛其政勁切其令燥其變肅殺其災蒼隕 北方生寒寒生水其德淒淞其化清

謚其政凝肅其令寒其變凜冽其災冰雪霜雹 是以察其動也有德有化有政有令有變有災而物由之而人應之也

帝曰夫子之言歲候不及其太過而上應五星今夫德化政令災青易變非常而有也卒然而動其亦為之變乎 岐伯曰承天而行之故無妄動無不應也卒然而動者氣之交變也其不應焉故曰應常不應卒此之謂也 帝曰其應